

NORTHERN MARIANAS COLLEGE

ORAL HISTORY PROJECT

CNMI ARCHIVES

Date: March 15, 1996

Interviewer: Herbert S. Del Rosario

Interviewee: Candido B. Taman

Place: Carolinian Utt, Garapan

Video Man: Ray D. Diaz

Transcriber: Nomi Lifoifoi KOsaka

Introduction: Hafa Dai yan Buenos Dias, pago na haane Marso dia 15, Bietnes 1996. Kuantan i Northern Marianas College yan i Departamenton i Archives, Malago yo na bai hu extende un dangkulo na appricisation yan si Yuus Maase para i amiguta as Mr. Candido B. Taman, si Candy i mas matungona, pot i hana possible i tiemponna para uestoriaye hit dididi pot i expirensiana desdeke hatutuhon dumandan asta pago na tiempo gi anai esta manpus adbansa mona i tinigona, yan expirensiana gi bandan dandan, Yan lokue guiya matugo lokue giya Northern Marianas komo gi uno gi man pairi ni man kakanta gi tanota . I propositon este na programa i para ke sina ta rekohe este siha na tinigota gi Culturata, parehoha estorian i tanota, i linguahi, i kanta siha. I tinigota i kanta, i baila todo kosake sina i famaguon taiguihe i man mamaila siha na tiempo ma lillie mona i finalofan i Culturata giya Marianas. Pues Buenos Dias Candy.

- Q. 1 I primet na questiona manlago yo baihufaisen hau nu kuantos anos hau gi anai finenina nu umentresau hau kumanta yan dumandan?
- A. 1 Si Yuus maase ni enau na questionmo, Ya yaho na bai hu obpi hau taiguine. Lau antes de baihu oppe hau nu enau na finaisen, Malago yo na bai aidentifican maisa yo, para beneficion i publico i famaguon ta gi islata gi mamaila siha na tiempo. Yan principatmente para i famaguon ieskuela, siempre ufan dangkulo ya ti ma tungo layiyi, man ginen mano siha magi. Guaho si Candido Babauta Taman. I tataho si Vicenti Olaitiman Taman, I nanan tataho si Consolacion Olaitiman Taman. I tatan tataho i naana este na tautau si Matud Anton, tautau

Chuuk este na tautau i tatan tataho. Yaho na entingo na guaha fokue gi manianata siha tat komo i man guelatta f:ti man ilihitimo na fama-guon ya guaha na beses na ilegniha na "Pes" na uta deskuta huyong o ta manifesta lao para propositon ayo siha na famaguon na debide uma-tungo i man ginen mano siha mage, ayona hu baba este. Si nanaho Soledad Iguel Babauta. Si nanaho lokue gaihagag Carolinian mesytisa. I nanana si Fabiana Iguel, ginen este siha huyong na tano gi isla, I islan Oleai yan enau siha papa na patte giya I tatan nanaho si Jose Cruz Babauta. Jose Cruz Babauta nu mato magi este na tautau ginen Guam, I tutuhonna este na familia man ginen Guam este. Pues maniaga guine gi tiempon Chapanes. Pues ginen este siha na guelo yan guela nai tumau-tau yo. GUaho si Candido Babauta Taman. Mas matungoho pago si Candy. Pues este i bandan musiko, na oficio desde i edad de sinko anos yo malofan yaho este i kanta ya sesutenga nai kumanta yo. Kantan manianata siha antes. ya ginen enau na si tataho harepara yo nayaho kumanta hafahane yo kalili, para tutuhonho.

Q.2 Okay, si Yuus maase Candy. Nu yangin tilache yo gi present i na momento menbru hau gi Art Council no?

A.2 Hungan membro yo gi Board Of Directors. Ya guaho gi present i hu setsetbe i Board of Director komo Vice-Chairman yo.

Q.3 Okay, si Yuus Maase nu, Gaiyan nai gi anai sigi mona umeyag hau dandan destiki i hinebenmo nu, gaiyan nai un diside na para un siorioso ya para un halom guine gi dandan kumanta, lokue dumandan sa tatungoha pago na tiempo na esta gai minegai nu finatinasmo na album ma record hau, nu gaiyan nai un tutuhon umentrisau hau guine na oficio?

A.3 A,a, tati este gi kasi enau yangin ti lachi yo i mit nuebi sientus sientai sinko o sientai sais (1985-1986-1966). Anai guaha un gurupun danderu man mato guinen Guam, ya gumai chansa yo umekungog nu este siha na gurupu. Manpos ha estodba yo kumaulu mas i interesho ni para eyag mas dumandan yan kumanta. Pues enau na sakan nai hudingo Saipan ya hu tattiye ayo siha na gurupun danderu tatte giya Guam. Ya hutuhon umeyag giya siha.

Q.4 Okau nu a,a, i ottru no questiona malago yo bai hufaisen hau nu gi anai un bira hau magi guihe na tiempo ginen Guam nu hafa taimano na nu fino.. ayo nai un tutuhon dumandan, ya sina un sagane yo haye gurupomo guenau na tiempo?

A.4 Anai hubira yo magi ilegko na esta nahung yo dididi infotmation nu hafa taimano nai para baihu rikohe i man gachong, hafa taimano nai para baien fan dandan nu pareho kosake sina baien na guaha musiko anai sina en konsuesuela i tautau parehoha gi bandan para umekkungog yan para bumaila. Pues anai mato yo tatte gi mit nuebi sientos sisen-tai siete (1967) na sakan, sigi de hu rekunnose gi halom i man amigo guihe na tiempo haye interesau yan haye guaha dididi talento ni sina uma develop gi fino English pago gi fino Chamorro ta keriansa ya tafanague mona. NU gi duranten este na tiempo gi halom i sengsong San Roque sa estegue na songsong nai dumankulo yo, humahame yan este na tautau i famananaan si Rengon Castro, Ricardo Pinaula Castro, este na patgon, desdeki dinikiki mame guaho gef yaho kumanta guiya gof yana man dakkut masea tronkon chutda, pat tronkon lemai ya hafanaha ya ha dakkutha sa yana tumambot. Pues guiya uno gi, hukonne para baien na posible este na gurupu. I ottru si Jose Camacho, guiya este na tautau ayu i entiempo ginen mumaestron drafting gi high school or Junior High guiya este na tautau si Jose Babauta Camacho, tiuhoha este. Yania lokue dumandan Gitala. Pues huriparaha na si~~si~~basbuenti baihu kriansaha ayo na tinigona ya sina mas baihu adelanta. I ottru na prohimo primuhoha lokue si Julian Taman, mafananaan si Bill Taman. Ayo na tiempo lokue gumof anog gefyana yan gumef interesau lokue nu este i musiko. Pues ginen enau na unafan danniang ham na kuarto ya gef makat tutuhon mame sa taya ramentan mame, nu ramentan musiko. Taya lokue guenau na tiempo cassette ni sina ta eekunggog i dandan, yata fa kopia o tafan eyag ginen i cassette. Taya guenau na tiempo na ayo i dikikiha na trassitor radio nai sina un kuedas guato gi KJQR ya un ekungog si difuntu Jack Omar sa guya B~~J~~ guenau na tiempo. Pues ginen enau na ensetda na sen makat lau sin enbatgo enchagi, esta man mafatoha ham Charanka guihe na tiempo para bai eayau amplifier yan gitala lau ginen enau na interese na in abansa ham mona ya adu-mididi achoka man machachaget ham lau sigiha de in nae animo. Guanau gi sisentai sette nasakan, enagui tutuhon mame. Anai enna guaha este na gurupu nu prinsipatmente guenau na tiempo anai pago mato lokue i

Peace Corp ya sigidiha organisa este i Youth Club gihalom i seng-song ha i Youth Club gaigi gi tatten mame na gurupu na ha chocho-nek ham mona ya ha sapopotta ham mona, sa hami lokue ni dandero siha cada guaha funsion, actividad, nu para i youth club man gaige ham na ennanee siha dibatde na sitbision musiko.Maskesea guenau na tiempo ti man gosmauleg lau alakuenta mano sinedata mona buente sina ilekta na ayo gui esta pairi para hitalau dipotsiha este i tiempo dumited mimina nai.

Q. 5 Hafa naanna enau i gurupu i gurupumo?

A. 5 Guiya este na gurupu ayui enfanaan nu "Voulchers" nu para hafa di tapuni antes ti hu gof tunggo este i fino English ya ni guaho tihugef tunggo hafa este i Voulchers. Si primon Bill Taman enau guenau na tiempo esta maestro gi elementary school ya, anai hu fafaisen hafa este i Voucher ilegna ayo i paluman atilon ni tegchu. Ilegko Jesus, Maria, Jose, lau polo sa nu magahet na kalan guihe na tiempo puruha attilon magagun mamame, ya buente ekua kau ginen enau, lau ginen enau na tiempo nai sigidi umeyag hu hafa fundamentonna este i inetnon kontra i naan.

Q. 6 Okay. Gi durante ayo siha na tiempo nai man dadandanhamyo, mano biaha man maapapase hamyo gi pupuenge an man dadandan hamyo kada uno?

A. 6 Magahet na sumen napiniti yangin ta konsidera tatte nai, nu taimano-ha ayo i husagan, i sitbisio mas in nae guato i Youth club, sa ombre guenau na tiempo man hoben ham lokue nai, ya man membro ham guine na inetnon,gi inennon i youth club, pues taallog kulan i youth club kalan ha usa ham komo ramentannia anai sina baien na guaguaha musiko para en kuensuesuela i famaguon ya baien ataha lokue i man gachon mame na munga na ufan huyong ya ufan dannio, ufan man trabuka gi halom kampo nai. pues ginen enau nai hanaeham i youth club este na oputunidad ni para baien practika mona este i ineyag mame gi musiko. Despues anai sigi mona nu gumuaha kilisyano giya San Roque, nu gu mai interest na ukokonne ham ya unafan dandan ham gi ayo i mafananaan i fina Bar. Enau na tiempo uno, guaha na bar giya San Roque ayo i mafananaan Castle Height. Pues guenau gi nineteen sixty seven magahet na gof matungo enau na bar i castle height, ya setsu bula bisita

ginen i pumalo siha na songsong. Setsu bula tautau, pues magahet na mafaisen ham kau sina baien fan dandan angin Bietnes, Sabalo yan Damengo. Pues guenau na tiempo nu ti man kapas ham trabia lau en siente na oportunidad ayo para hame, kosake sina baien fan eeyag mona. Manafan dandan ham gi Castle Height ya kada uno giya hame, tres pesos gi puenge man maapapase ham. Pues esta ala kuenta gi kada semana nuebi pesos, kada uno suetdonna.

Q 7. Thank you Lahi yan Si Yuus Maase nu guaha siha otro hutungo na gurupu ni hago umu-organiza, organize gi fino English ya man mauleg mona carerana i gurupumo, Sina un sagane yo ni naan enaw sihanan? gurupu Lalag fuerade i Vouchers ni hago actually tumutuhon nai? Saipan matungu hau komo, maila ta polo komo taiguine, hago mas mauleg na kakanta. Para ta polo gi Northern Marianas ya bula man enteresau nu hago, pues guaha siha gurupu no ni ayi i un organisa mona ni ayo i sino hago tumutuhon ya man mauleg mona i kareran niha no? Sina un sangane yo hafa siha na gurupu?

A.7 Hungan. Lau mauleg buenti kalan mas para claro no este i pasun niha kalan estorian niha no? Guanau na tiempo gi mit nuebe sientos sientai setti, anai esta man dadandan ham guenau gi Castle Height, na bar. NU fihu lokue de gumuaha mafananaan teen age dance. Pues kada guaha teen age dance, man dandan ham ni pot para ufan man ricohi i Youth Club dididi fundu. Guenau na tiempo para un halom gi teen age dance nu sinkuenta centimos i petta ya guaha dididi na nengkano nai yan hanom ya un baila lau taya maneska guenau na tiempo. Pues sin enbatgo anai sigi mona nu esta metgut este na organisasion i Youth Club gi halom i entero giya Saipan. Gi kada village guaha iyong niha youth club. Pues guaha siha diferentes clasen actividad lokue nai ni kalan man kompetensia i youth club, ya gof namagof guenau na tiempo. Pues i organizer, i tautau ni umot ganisa este na programa i Youth Club, si Jack Cover ~~naaanaestendaa~~ tautau guiya este i Peace Corp Volunteer, ya guenau na tiempo nu ginen i Community Development Office lokue si Ben Guerrero, si Vicenten Rai guiya kulan cumokodinate este gi bandan i sengsong =siha. Mato kattan si Ben Rai ya hafaisen ham kau sina baien patisi-pau gi gi mafananaan "Battle of The Band". Guiya este i nu inestablese nu este na Peace Corp si Mr. Cover ileglegna na debide tana-fan attnog este na talentu gi halom i Comunidadta. Ya tana guaha

este i The Battle Of The Band. Pues mafotma gi primet na "Battle of the Band" ni masusede este gi mit nueve sientos sientai siette. Nu mato si Ben Rai ya hafaisen ham para baien fan pattisipau. Guenau na tiempo esta guaha siha unos kuantos na band gi suman lichan siha na songsong. Yahu na bai hu mentiona I Royal i mas guaiyayong yan mas matungo guenau na tiempo. I Royals guiya este man gaigi si Jesus Pangelinan, mafananaan si Jesus Chubono, guiya kalan talog nu dumi^{este}rihe este mona na gurupu, na guiya kantod yan guiya Gitalista, i ottro na gitalita guine si difuntu Joseph Conception, mauleg lokue este na gitalista este, ya i dumadandan i base i chelunia as Bill Coception, ya i tambolero i kompairegko as John Rosario guiya i tambolero guenau na tiempo, ya i ottro na kantadod guine na Band si John Sablan, si Johning Tang mafananaan, a siha este Royals. I ottro na gurupo i SASAMOTO BROTHERS. Si Felix yan si Jesus Sasamoto yan i tihuho as Gin Babauta, guenau na tiempo ma konne si Eddien Fleming anai trambia pagoha fanaan siete, sais, siete anos si Eddien Fleming guiya i mas hoben na tambolero guenao na tiempo, nu enau na Band gaige guenau na tiempo, yan guenau na tiempo, un tiempo si Frank Cabrera lokue nu megin este lokue na gitarista, dumangkulon Guam pues sumaga guine, Guahalokue gurupuna si Frank Cabrera, maniesiha yan si Antonion Tang, Nu pues gaige lokue guenau na tiempo siha man dadandan lokue i, sina lokue kulan malefa yo ni naan i gurupu lau, nu inespansor este gi as George Fleming. Si Donald Fleming lokue tambolero guenau, si John Olopai, si Juan Grees mas matungona guiya felis gitares, sumaunao lokue si Henriken Saralu guenau. Puru este siha gurupun man danderu guine gi man malofan siha na tiempo. Pues ma diside na para uguaha Battle of The Band. Kosake sina mas man oppan este siha na talentu. Pues magahet na pot fin ha konbense yo si Vicenten Rai na baihu saunau guine yan i gurupon mame Voulcher, Sin enbatgo man hanau ham ya ma susede este i Battle Of The Band gi MOUNT Carmel Auditorium gi 1967. Ya humuyong manganna i Voulcher. Guiya chumule i primet Premio gi premet na Battle Of The Band. I Voulchers nu gumanna i numuro Uno yan si Royals chumuleg i Segundo, Yan si Sasamoto chumule i mina Tres. Pues este gui tutuhonna este anai mas gumuaha esta mas nu interes. Nu despues de este na na Battle Of The Band, Si Jesus Chubonog Pangelina, yan i conpairecko as John Rosario, mafaisen yo para bai hudalag siha ni Royals. Pues guaho hakonbense yo para baihu

dalag siha, sa hafa i uno esta siha mas man oppan gihalom i communi-
dad, i ottro mas ma abansa mona i tinigo niha gi musiko, mas suficiente
ramentan niha. Pues ayogui muna hakonbense yo para baihu dalalag siha
sa hafa, gaige gi sinenteko na debidi bai sigi umadelanta yo mona.
Pues hu dingo i man gachon ho guenau ya hudalalag i Royals. Pues ayo
nai man sigi ham mona.

Q. 8 Okay. Si Yuus maase Candy. Nu anai sigi mona i tiempo gi bandan iman
dandero siha Saipan, nu kumaulu este na interes i para ufan man
record i tautauta, nu gaian i primet biahe na nu un chagi ma-record
na ayo na recording nu haye man gachochonmo?

A. 8 Gi duranten i tiempo anai sigi mona i, i abansa mona i tinigoho yan
i ninasiniaho guine gi musiko, tatte gi mit nuebe sientus sitentai
kuattro, anai ban dannia ham, Guaho si kompairecko as John Rosario
i chetluna as Ronald, yan si Herbert, i chelun niha talo as Herbert,
ni tambolero yan si Jesus Sasamoto, man dannia ham ya nu guaha inte-
res ginen i Royal Taga Hotel na para baien dandadane siha i Turista,
Man dannia ham gui na tiempo ya in organisa un gurupu. Pues magahet
na man dandan ham kanaha buenti, anti lache yo kanaha guaha

.... gi Royal Taga. Despues di ayo, esta mas maadelanta lokue i ban-
dan dandan yan kumanta. Esta magahet na gof oppan i naanho, gef
oppan i boshu. Desde ayo i Battle Of The Band tutuhonna. Nu despues
ayu nai nu man hanau ham guato gi Bolling. Anai man hanau ham guato
gi Bolling en tulaika talo ham dididi i membron i gurupo. Despues
enfanaan ayo na gurupu i Tropic Set. Guya este na gurupu i Tropic Set,
Guaho i kantadog, si kompairecko Bokunggo guenau na tiempo anai pagoha
lokue teug interesna na malom ya humahame na dos kumacanta guenau na
tiempo. Nu a parehoham lokue na dos дума-dandan gitala. Pues nu si
Herbert Rosario guiya i tamboleron mame, yan guiya i iyong mame
leada guenau na tiempo gi Band. Si Ronald cheluna, Ronald Rosario,
guiya dumadandan i Base. Si Junian Pipidi guiya dumadandan i organ
guenau na tiempo. Despues di humalom si Ringo, Ringon Castro ya enna
saunau gi Band sa esta mato gi mangta i naanna i Tropic Set ya nu
magahet na mapos esta motmut i lugat nu esta lokue guenau na tiempo
en-sesiente na kulan guaguaha dididi adelantu i apas i Band, pues
ayo na endiside para baien kenni talo si Ringo ya para baien na
kanta. Pues guenau na tiempo i Tropic Set, en-nagui na Band tumutu-
hon i maganta fino Chamorro gi halom Bar. Esta gui na Band tumutuhon
muna oppan este i kantan Chamorro gi enterament gi Islan Marianas,

Nu fuera di halom Saipan. Anai masiente giya Guam, ni Chamorron Guam na guaha Bar giya Saipan man dadandan kantan Chamorro ya manfan manfan babaila i Chamorro yan i Refalawas, Kada week end siempre guaha katdumen Guam para ufan mato magi guine para unarekungogha ya ufan baila ni kantan Chamorro. Pues este na Club osino Bar, ni man dandan ham, mato gi popular lokue guenau na tiempo ayo i mafananaan Oleai Room gi Luchan i Bolling. Pues man dandan ham disdi i uttimon i sitentai siente na sakan, man dandan ham gi Bolling estai ochenta na sakan anai endiside na para baien fan para man dandan sa esta kada uno giya hami motmut problema pot asuntun familia. PUES este i dandero na i guaha nai kulan man aaguguat, Pues kulan taiguenau na rason na en deside ya baien fan paran niahon, man dandan gi Bar. Anai man paran niahon ham, kumahulo talo otro na interes ni kumpairecko as John Rosario , ilegna, pari, maulegna tafan hanau ya tafan man ricord. Pues ena possible i recording, ayogui mina mafaniago ayi i First na Tropic Set Recording ni ayo i mafana-naan Cultural.... Guaho, si John Rosario, Si Ronal Rosario yan si Frank Bokunggo. Hame na kuartro i Tropic Set. Guaha siha gi man gachon ti muna possible i recording pot rason na guaha gi familia dididi achaki, lau sin enbatgo i interes inaguaiya gagaigiha gi entalo mame.

Q. 9 Okay si Yuus Maase nu, i otro na questiona baihu faisen hau nu, un hatsu lokue tatte i gurupumo i Charmolinian no? Nu yangfanti lachi yo numaleg lokue bidan miyo gi recording gi Chamolinian, Sagane yo fan dididi pot i hafa taimano finenina na en fanaan hamyo CHAMOLINIAN? Ginen mano magi enau na naan? Yan i estorian miyo gi recording? Sa hutungo na bonito lokue kantan miyo gi ayo siha. Sagane yo fan dididi pot taimano i naan miyo na pomossible yan iyon miyo siha recording?

A. 9 Hungan nu, nu anai monhayan in chegui ayo i Tropic Set na recording kuartro ham guihi, yan i inponser anai monhayan ma patten tiau, i salapin i recording nu magahet na, eyuha magahet humiresi ya ayoha suetteko guihe na tiempo gi anai mapatten tiau i salape pot ifinag-chae magahet Christmas ya manfan nuevo i trahiho, Nu mudahoh kalan munuebo ya gracias adios na guaha recording ya mamuda yo guihe na Christmas, lau anai huaatan tatte magahet, mapos dididi i suedo. Hu atan na guenau na tiempo guaha siha gurupun recording giya

America lokue ayo i man matutuhon siha gi inetnon despues guaha ayo siha lumagnos siha ya ilegna, polo ya guaho na maisa, sa siempre megaina probegchoko. Pues kulan hu chuleg ayu na idea, ya gi mismo tiempo, umagfacha i compairegko as John Rosarionai guaha lokue ottro gurupuna gi recording manisiha yan si Jess Sonada yan si Terry Heston guenau na tiempo nai. Pues kulan man aafagcha mona. Pues ilegko bai huyong ya baihu chagi gi guahoha na maisa sa ombre pot i kakanta yo buente, ilegko na hunasina nai. Pues anai humuyong yo ti chagogo na tiempo, mato i compairecko Boko ya ilegna para baihu dalalag hau. Lami, guaho inasokko na para guahoha na maisa kosake laguaha probechoko, lau sigiha di, nu hafaisen yo para baien hame. Magahet na humami anai humami ya matachon ham ya sigidi in yalaka i gitala ya mangi ham kanta siha huatan ilegko lami taya tinilaika guiya este actually alakuenta i tropic set. Lau malago yo para bai hutulaika didid, didiha bai tulaika ya ti parau kumekeilegna kalan gifino English para uguaha unique, uniqueness. Ekua hafa na man matachon ham giya San Vicente ya man gigimen ham un Damengo, ya mato si Quirino yan si Juan Salas, Ha didililing magi si Quirino i gitana, Pues anai hayalaka ni ti suena i sunidu. PUES huatan ya huri-paran niaihon kulan ayo na klasen sunido ayo i kulan humahalomha dididi i sunidon Hawaiian. Sunidon Micronesian teramiting. Sunidon Chamorro; yan i Palau. Lami buenti bonitoha yangin ta nafan abattihalom este, Pues magahet na hufaisen si Quirino kau malago para u dalag ham. Pues anai magahet na kumonformi, nu a... sigidi en practice mona esta, taya trabia naan mame. Nu gumuaha ayo i mafananaan music festival giya Guam. Pues i organiser giya Guam, Si Roy Gutteres guiya nai Lt. Governor giya Guam. Guiya nai mato magi hafaisen ham kau sina baien fan hanau ya baien faniaunau guihi na festival. Pues magahet na en accepta ayo ya man hanau ham. Lau anai man mato ham papa, manmafafaisen ham hafa naan mame, Pues taya naan ya finenina hu hatsu ni ayo i idea ayi i hafa na klasin symbolu, pat hafa na finihu sina baihusagan huyong gimenan i ayi i un manadan tautau GUam, ayo i para bai banidoso na kase na guaho si Candidon Taman yo ginen Saipan. Mato gi titanosho ayo na finiho, yan ayo na palabra, i guaho Chamorro yo yan Carolinian yo. Pues ekua hafa na gotpiha kulan ayi i ma guesguis i machi ya manila, ya ilegn ya malagnos ayo na palabra i " CHAMOLINIANS". Chamorro, Carolinian. Pues ensigidas ha hu agan ayo i organiser gigiya Guam ya ilegku,

"Charmolinian" naan mame. Desde ayo humahnanauha. Mafaniago ayo na palabra i Charmolinian.

Q.10 Okay lahi. Nu kana kuantu biahe nu pat kuantu na album in record gi Charmolinian?

A. 10 Oh nu... Despues de ayo na Festival giya Guam, man mato ham tatte nu si difuntu Kiku Debu, si Mr. Guerrero, Hasiente na guaha esta talo ginen Guam sa manahuyong gi gaseta ginen Saipan este na gurupu ni naana Charmolinian, fuera de si Candidon Taman, si Franciscon Bokungo, yan si Piling. Pues hanafan ma buska ham, si Tun Kiku. Este na tau-tau ti hugoftungo personatmente. Anai ha kombidaham halom gi gimana gigon tumalakahalom yo gi gimana taya finenina hulie i man dangkulon dandan siha yan ayo i tape recorder ni ayo i antes ayo i reel to reel kon todo microphone guaha gi halom sala. Jesus, Maria Jose, este na tautau kau guaha iyonna band pat hafa? Lau esta monhayan si Mr. Guerrero ha esponser ayo i mafananaan " PRIMO MARIANAS". Primo Marianas guiya kalan guiya finenina na Chamorron Saipan man ma record antes de hame. Pues hafaisen ham si difuntu Kiku, ilegna man malago hamyo man mamatinas plaka? Guaho sina buenti bai hufatoha gi mamati yangin mati ya bai didiling gitalaho, ya i guinifiho todo i tiempo sa ayo i malagoho i para bai ma plaka. Ya gotpiha ilegko hungan. Pues ilegna, pues desde pago fan prac-practice ya in hahaso hafa siha na kanta para in kanta, ya guaho baihu na guaha salape ya enfan ma plaka. Pues, magahet sigi mona esta i, i, idea hana kahulo i kalentura, pues man matachon ham papa yan si Bokungo, yan si Quirino, ya sigidi enfannague siha i tunada. Mentras ha de-deka si Quirino i slaki, ya si Bonkugo ha kompanania, guaho gi un banda hu tune-tune i gitalaho. Puesginen ayo na humuyong ayo i tres na plaka gi gotpi, i uno na plaka ayo i mafananaan " INGATO", guiya ayo nai umagfacha anai para baien fan ma record, para baien fan mama plaka, magfatcha anai pagpag i butkan ya utugi ayo na kanta i Mount Pagan, guiya este na palka yan ayo na plaka i "ESTU-DIANTE", despues tinattitiyi ni Noche Buena i kantan Christmas siha. Pues layiyi i anai matachon yo ya hu-analisa mona hafa taimano na gumef popular i Charmolinian guihe na sakan, matoha America uppan guato America, esta kon todo katta ginen America in resisibe, man man extetende magi dangkulo na agradesimento ni bidan mame-siha ni kantatta ni pot i cuttua yan todo enau siha. Anai huripara este ya

analisamona, layiyi ikantan Christmas gi minagahet una gef popular i kantan Nino; i rason, i rason pot i kantan Christmas i primet na gurupun dandero para u-kinanta i kantan Christmas, ya este siha na kantan Christmas in chegui taya disatenteria sa hafa, enchili todo i kantan antigu, na kantan Guma Yuus, kantan i manianata. Pues ayogui na enfatinas para plaka. PUES ginen enau na rason na gof oppan i kantan Chamorlinian.

Q.11 Mauleg in galuti ne Charmolinian lau split no gi

A.11 Mauleg adai.

Q.12 Okay Candy nu a talon biahe nu bula guihe kantammo siha gi duranten i tiempo gi anai kumatanta hau gi iyommo siha, parehoha iyommo solo album gi anai hahagoha na maisa na kumakanta. Yan i pumalo siha gi anai man hahamyo yan i Chamorlinian sesudi i lug fino English, dedicate na kanta siha para i man magasta giya Marianas. Yan man amiguta siha, yan tautauta ni ayo i man maligo gi tasi, nu dangkulo na creditu debi i tautauta pararehoha yan i gobietnota ni debide un manae, pot este na rason para... yangin un atan ayo siha i kantanmo gi anai un recognisa i hagas man magas Marianas, historia ayo, Historian i tanota. Nu guaha planumo para, anti lachi yo fanaan hago tumugi ayo i kantan i Senior Obispo, Gi anai ma ordena si Tomas Camacho?

A.12 Hungan.

Q.13 Sagane yo fan dididi pot enau na banda?

A.13 Nu maila ya bai polo gi taiguine, Anai husiente na esta nahong dididi expirensiaguini gi bandan musiko, ni hafa taimano nai sina bai nai sina anai hu disidi na para bai hu sirioso guine gi bandan plaka nu huatan na nu debidi, yaki para bai bendi i kantakko debidi ufahna, Hafa na klasen material sina bai hu-usa .gi kanta ni para u-mas fahna, huhatsu gi taiguine na lami yangin para baihu sigi kumanta pot si neni yan si kirida yan si korason nai, kana tododoha i man kakanta esta motmot i kanta ni enau i neni, kirida yan todo enau siha. Pues nu tumogin niahon yo, ya ilegko. hafa para bai huchogue, munga yo na baihu chanda enau siha i manieluta nai lau ayo i para bai husangiha na clasi, ni ayo siha i polo ya siha baihu madudulalag ya munga yo humanau ume dulalag nai. Pues tumogi yo magahet ya ilegku, uniko remedio taya mas para bai huatan gi

oriyaho, anai huatan oriyaho ya huripara, finenina anai dumatdangkulo yo estegi na sistema guaha gi linalata. Ti pago na momento asta guaha tinilaika, I man mamamaila siha na tiempo siempre umas uma umenta i tinilaika. Hafa i rason, tihitungo. Tai otoridadhu para bai hualog na estegi siha i rason. Sa hafa ? Sa ti magradua yo gi collehio para baihu alog na hutungo este siha na rason. Ti politisian yo na para bai hu alog na hungan estegi siha i rason. Ti guaho lokue ayo i gaigi gi bandan education na maneduduca na para bai faniagane na estegi i rason:siha. Basta manonai siha gai atorida y para bai estegi siha i rason, Debidi baihu hanau ya bai egagag ayo siha. Bai hu atituye, bai sigi umadu: Pues enagui siha bidaho. Ya giduranti i tiempo gi kada huadu i bandan i education, gi bandan economia, huatan i economia, huatan i kinalamten i politika. Este gi siha na tinilaika guaha, estegi siha na difectu guaha. Hafa i rason ayigi muna humahanau yo huyong ya hu-eenlog, hu aadu hafa i rason siha. Ginen enau nai hu chuli este siha na idea. Pues matachon yo ya hu tugi. Pues finenina gaige giya monana gi hinasogko na debi esta pago na tiempo metgog i finanaguen Americano. Metgog i mantikiya yan i pan esta man lamas i chetda yan i lemai. Antes na tiempo, mafa-na bababui, pago esta man mamamahan hit na babau, esta tita fa na bababui esta i lemai yan i chetda. Tautau ginen hiyong pago uma-uguaha inadahi, sas esta i tiempo dangkulo na tinilaika. Ya mas dangkulo i mamamaila na tinilaika. Pues enau nai na rason nai humalom yo guine na patte siha i bandan education, i economia. Puti yo sa esta hulie ya dangkulo na tinilaika, ya i tinilaika todo i tiempo siempre ugaigi. Lau i significationna enau na tinilaika para un atan kau binefictio pat distroso. Guaho hu aatan na guahaha benefictio, lao megaina distroso. Sa hafa? Ha-aregla hit dididi gi bandan i economia sa ombre talilieha pago nai na, atanha este i galaidin piao yangin un atan guato i galaiden ayo i mafabika nai kumeke-ilegna nai na guaha tinilaika, lau i social, i bandan social mayamag. Mayamag i amestan i familia. Anai humalom este i Real State, ha yamag i familia, sa man mumu i familia pot tano yan todo este gui siha. Ya man gaige todo este siha gi kanta. Man gaige manieluho este siha gi kanta. Para hamyo ni famaguon, ni tidimasiao en e-ekunggo i kantan Candy Taman .Si Candy Taman hatungoha na tien-gegef ekunggo sa ganian ^{hafa} miyo ha ayo i MTV yan i VH1, Lau angin man dangkulo hamyo, kinsi,

bienti anos yan pago, fanhanau para i Archives ya en guakli todo i kantan Candy Taman ya un analisa hafa kumekeilegna sa este na mensahi desdi dies, kinsi anos ^{Taman} antes esta hu tutuhon este siha. Pues ekungog ya enripara hafa i dundamenton i kantan, sa guaha dangkulo na "Message".

Q.14 Si Yuus maase. I otro na questiona nu, kuato esta na nu plaka un fatinas despues di un tutuhon man record gi finenina gi Tropic Set, asta pago na momento? Nu anti lachi yo nu pago na tiempo asta hagoha mahanau man record, gi fino English iyomoha solo Albom. Kuanto esta na albom ^{of} Tododo nai sumaunau hau osino anai ma record hau? Kau un hatsu?

A.14 ^{Pot} Tododo yangin para baina danna desde i tutuhon, parehoha gurupu yan i masaha mapot sa ^{ya}. ya huplanenea na para baihu sisigiha umuspia este ti bai para hupopolo yahu na para bai husagan este prisipatmente para hamyo ni famaguon ni para en baba este siha na record gi man mamamaila siha na tiempo. Uno na rason yangin un atan tatte ayo na kantan ni mafananaan "Patron Marianas" guaha esta guaha part one yan part two. Ayo na kanta i Patron Marianas, muna: mato gi hinasogko para baihu chogui, ni ayo na kanta sa hutungoha na ombri pagoha na momento, megai giya hamyo ni famaguon ti tumungo ^{ayfo} siha na Kilisyano ayo siha na prohimo i man matai esta. Megai giya hamyo ti tumungo haye kumundusihit halom gianai mato i Aleman, mato i Espasniot, mato i Japonese, despues man halom i Americano. Haye este siha na man Amkota yan manianata i kumondusi hit halom para ta eyag hafa taimano i linala parehoha gi sisteman politika, Education i Economia. Yan todo gi pot todo. Este siha na tautaugue este siha prohimos i man mofona ni man matai esta, megai giya hamyo ti tumungo ayo mina hu atrebi, ayo mina hu-usa dididi disatentoko para bai guahi hulo ayo siha i manianata ni esta man gaigi gi neftan. Pot unoha na rason i pot i para bai na gaige guine siha gi documentun kanta kosake un dia hamyo ni famaguon siha man mamamaisen hamyo haye Bihon Kilili, haye si Tun Elias, haye si Tun Ignacion Nando, Este gui siha na manianata sumen importanti na debide ta-atan yan tatungo haye-siha, hafa siha bidan niha. Sa siha este siha na tautau gue gaigi gi kanta, nai na ileglegna na siha i dumifende hit gi tiempo, siha umiduca hit mona gi tiempo, Ya ennague na rason muna debidi ta aatan tatte este siha. Sa maila ya bai hunae hamyo un ehemplo ni famaguonho, I mas dikiki lau mas metgot na Nation gi tano, i Japonese, i Chapanes.

Hafa na rason na sen metgot esta ya dikiki na Nation. I rason ti pot todo i tiempo gi kada hafa para uchogui gi kada hafa na idea para uchogui ha-atan tatte i man guelonna yan i man guelanna ya ha-atan tatte i pason niha ni hafa para ta chogue, kau dinan-danchiha ayo siha na fino niha i manianata. Sa yangin ti dinanchi i tinago niha, pues munga hit chumogue. Hita esta man malefa nui tinago i manianata, ayo mina tisina hit pago man gai areglo. Ayo mina todo i tiempo discipline, discipline kumeke ilegna areglo. Ya ya-hululu gi Japones. Sa man man-hongge na debide todo i tiempo uma-aatan tatte ya uma respeta i man guelu ayn i man guela. Hamyo ni famaguon, trenta anos, kuarenta anos yan pago, yangin matai yo siempre ilegmo lami dai, si Tun Candido guelo, guelun mame ayigi ilegna gi kuarenta anos tatte. Debi lokue na tadalalake ayo siha na mensahi i hasa-sagan gi kantanna. Sa hafa, ha-nanae hit nu siniat na ta-adahi hit sa guaha siha man ma-maila, ya debide ta adahe hit, ta protehe hit ni famaguonta.

Q. 15 Okay, Candy i otro na question nu a... dangkulo nu... na kuentos este para i tanota, yan lokue yangin un atan tatte i pasumo, yan todo este siha i esta un kumple gi bandan i musiko nai, i kantam-mo siha yan tododo i bidamo, gi bandan dandan guine giya Maianas nu, haye malagomo para un nae kredito ni este na tinigomo yan talento ni este i todo i un abansa hau mona. Para i...haye na individuatuat pat haye na tautau nai ni malago hau para un onra pot rason na guiya muna humuyon tumaiguine hau.

A. 15 Mauleg si Yuus maase. Magahet pot enau na question, finenina bai-hu nae dangkulo na gracia i Saina, sin guiya, sa guiyaha muna sina este, parehoha i suette pat des-grasia. Finenina ginen i "Saina". Sigundo todo ~~hiki~~^{publiko} general, tododo ~~hiki~~^{publiko} general man-niau-nau uma biba todo, i man-niau-nau nu mae yo nu este na onro, manae yo ni este na grado. Hunanae lokue dangkulo na agradesimento yan dangkulo na si Yuus Maase pot este na onru. Taya uno na tautau para sina bai hu mentiona, ya bai hu alog na guiya muna taiguine yo. Ahe. Sa tododosh. Yan gin guaha uno para bai na saunau naanna guine na estau si Elvis Presly ha, lau los dimas tododoha man i-nenbrasa tododo maniaunau, partikulatmente ayo siha na tautaugue ni magahet na man sen hihot giya guaho nai, guine gi bandan musiko, desdeki ~~hau~~^{hau} tutuhon yo, Yahoha buente na bai mentiona no, si tataho guiya hululu guine, sa si tataho i, masea ti fonmat na danderu pat...

lau gi cada biradahō hu-hunggog si Tataho kumanta, buenti layiyi ginen enau. Huaha un amiguna Hawaiian ni esta gof amko. Este lokue si "Duk" guiya lokue este na tautau. Lau los dimas i numanae yo nu acompanya mona ni para bai husigi mona guine, ilegko na presisu lokue na bai nae lokue " gratis" este i tres na manielo. Si Herbert Rosario, John Rosario yan si Ranold Rosario. Sa atman ni umakonpania yo mona ya ginen enau na tiempo nai mas umopaan i naanho. Lau los de mas tododos man merese i pumalo na manieluta. Ya huananae hamyo undangkulo na agradesimento. Si Yuus Maase.

Q.16 Okay Candy i uttimo na questiona ni malago yo na bai hufaisen hau, Gi todo i finalofanmo mona gi bandan musiko. Hafa na mensahe malago hau para un sagane i tautauta siha